

古今圖書集成

中華書局影印

第一一八冊

方輿彙編

職方典

常州府部

鎮江府部

(卷)

七五—七四

七五—七三

欽定古今圖書集成方輿彙編職方典

第七百十五卷目錄

常州府部彙考九

常州府戶口考

常州府田賦考

常州府漕運考

常州府風俗考

職方典第七百十五卷

常州府部彙考九

常州府戶口考

府總

通志

原額人丁五十九萬五千六百四十二丁

順治十四年審增實在人丁六十萬五千九百

五十四丁於順治十八年審增人丁二千七百

丁不免共丁二千七百四十六丁

康熙元年實在人丁六十一萬一千四百丁於

康熙五年審增人丁一百六十七丁

康熙六年實在人丁六十一萬三千五百六十

七十

康熙十一年審增實在人丁六十一萬五千四

百七十九丁於康熙十五年審增人丁八千九

百六十一丁

康熙十六年實在人丁六十二萬四千四百四

十丁

康熙二十二年審增實在人丁六十二萬六千



五百七十丁除優免本身人丁二千二百六十

丁實在當差井不免餘丁共六十二萬四千三

百一十丁

武進縣

無錫縣

人丁一十三萬九千七百六丁每丁科銀二分

五釐六毫零

江陰縣

人丁一十四萬三千六百三十五丁每丁科銀

一分二釐五毫零

宜興縣

人丁一十五萬四千九百九十二丁每丁科銀

一分六釐八毫零

靖江縣

人丁二萬九千四百六十丁每丁科銀二分二

釐一毫零

常州府田賦考

通志

府總

原額平沙高低圩田山灘蕩埭茶地等項共六

萬一千九百八十六頃二十六畝七分九釐八

毫九絲九忽六微九纖

順治十四年實在田地六萬一千九百八十六

頃二十六畝七分九釐八毫九絲九忽六微九

纖內除康熙元年遷沙報坍七年挑廢共平沙

田六十三頃五十畝四分三釐八毫九絲二忽

二微又順治十八年康熙元二三四五年十年

十五十六十七年陞增丈增清出共不等田埭

灘蕩四百二十二頃七十畝五分九釐六毫七

絲五微二纖

康熙十七年實在不等田地共六萬二千三百

四十五頃四十六畝九分五釐六毫七絲八忽

一纖內除康熙二十年奉豁版荒井挑廢田二

百五十頃一十畝二分九釐一毫一絲九忽又

丈增蘆洲歸漕田一百七頃二十二畝三分八

毫七絲八忽二微

康熙二十二年實在成熟不等田地共六萬二

千二百二頃五十八畝九分七釐四毫三絲七

忽二微一纖

共該徵折色稅糧地畝係里連間銀五十六萬

七千七百二十兩三錢九分五釐一毫五絲九

忽三微二纖三沙一塵九渺五漠二埃四淩四

巡本色米三十四萬二千七百八十九石一斗

七升三合六勺三抄七撮五圭一粟六顆九粒

四黍一稷五糠麥七千九百石七斗六升三合

六勺一抄八撮九圭五顆一粒二黍

外不在丁田徵解役田相蘆灘絲綿麻布民山

匠班門攤漁課茶引租錢鈔折共銀七千二百

五十兩三錢六分三釐五毫四絲四忽七微二

纖一沙

武進縣

原額平沙高低極高低田山灘蕩埭一萬七千

三十六頃二十六畝二分七釐四毫五絲五忽

五微九織除挑廢外今實在井陘丈增不等田
山蕩峰共一萬七千一百五十六頃八畝三分
二釐八毫八絲二忽八微內平田科平米二斗
四合四抄七撮九圭七粟五顆一粒沙田科一
斗八升四合八勺七抄四撮九圭六粟六顆二
粒高低田科一斗三升四合五勺八抄一圭一
粟九顆五粒極高低田科八升三合二勺一抄
三撮五圭九粟一顆四粒山灘蕩峰科三升八
合一抄一撮一圭八粟七顆五粒平田并折實
沙高低極高低田山灘蕩峰每畝驗派稅糧銀
七分五釐五毫零十銀四釐九毫零本邑米六
升七合六勺零麥一合五勺零五米二合四勺
零地畝銀一分七毫零徭里銀一分二釐八毫
零外不在丁田徵解役田租銀二千五百八十
九兩四錢黃山腳蘆灘除挑廢實徵井陘丈增
銀七百九十三兩九錢三分一釐四絲八微二
纖一沙門攤課鈔連閏銀三百四十九兩五錢
一分一毫四絲漁課連閏銀四十九兩七錢九
分八釐五毫二絲四忽六微六纖城租銀一百
二十八兩七錢三分匠班銀一百四十七兩二
錢三分九釐

無錫縣

原額平高低田山灘蕩墩峰等項一萬四千一
百七十二頃九十七畝三釐九毫五絲今實在
井丈增清出不等田山灘蕩共一萬四千二百
八頃四畝二分七釐二毫八絲內平田科平米
一斗九升五合高田科一斗五升五合低田科

一斗四升四合五勺山灘蕩塘蘆埂涇溝科七
升五合七勺山墩峰城塌地科二升平田并折
實高低田山灘蕩墩峰每畝派稅糧銀七分六
釐六毫零十銀四釐六毫零本邑米六升四合
二勺零麥一合四勺零五米二合三勺零地畝
銀一分六毫零徭里銀一分二釐九毫零外不
在丁田徵解租錢鈔折銀二分二釐四絲四忽
門攤課鈔連閏銀四百九十一兩八錢五三分
三釐一毫八絲漁課連閏銀二十八兩一錢二釐
三毫二絲一忽九微二纖城租銀一百九十二
兩七錢匠班銀一百九十四兩六錢一分六釐
江陰縣

原額平圩沙田峰灘蕩一萬一千一百五十八
頃八十六畝五分七釐七絲四忽一微今實在
井陘增丈增清出不等田峰灘蕩共一萬一千
二百五十四頃三千九畝五釐一絲九忽四微
一纖內平田科平米一斗八升二勺九抄六撮
九圭八粟六顆三粒圩田科一斗七升四合九
勺三抄七撮三圭二粟二顆六粒低田科一斗
五升八勺五抄四撮九圭六顆九粒沙田科九
升三合九勺三抄四撮七圭八粟七顆一粒峰
科一斗四合三勺七抄一撮九圭八粟五顆九
粒灘蕩科二升九合二勺二抄四撮一圭五粟
五顆五粒民山科一升四勺三抄七撮一圭九
粟八顆五粒平田并圩低沙田峰灘蕩折實每
畝驗派稅糧銀六分九釐八毫零十銀四釐三
毫零本邑米五升九合三勺零麥一石三勺零

五米二合一勺零地畝銀一分一釐零徭里銀
一分二釐五毫零外不在丁田徵解門攤課鈔
連閏銀三百九十六兩六錢八分六釐一毫六
絲漁課連閏銀一十六兩六錢一分八釐二毫
五忽一微六纖城租銀三十六兩八錢五分二
釐二毫六絲匠班銀一百一十七兩九錢六分
三釐

宜興縣

原額平高低田山竹極高茶地灘蕩塘一萬二
千九百九十四頃一畝三分八釐二毫二絲除
奉豁版荒外實在成熟井丈增蘆洲歸漕田地
一萬三千八百七十九頃四十二畝二釐七毫
四絲七忽二微平田科平米一斗九升七合七
勺九抄八撮二圭二粟四顆四粒高田科一斗
七升低田科一斗四升山竹地極高田科八升
六合九勺三抄六撮四圭二粟二顆五粒茶地
科六升灘蕩科五升平田并折實高低田山
竹茶地灘蕩每畝驗派稅糧銀七分七釐四
毫零十銀四釐七毫零本邑米六升五合一勺
零麥一合四勺零五米二合三勺零地畝銀一
分九絲零徭里銀八釐四毫零外不在丁田徵
解絲綿麻布民山充餉銀一千三百七十八兩
一錢九分九釐六毫三忽一微門攤課鈔連閏
銀二百九兩三錢五分三釐四毫一絲九忽漁
課連閏銀一十八兩八錢五分八釐八絲八忽七
微城租銀四十八兩二錢一分五釐六毫五絲
茶引銀二十四兩七錢七分四釐匠班銀一百

七兩四錢六釐

靖江縣

原額平沙田五千六百二十四頃一十五畝五分三釐二毫除遷沙坍沒挑廢外實在成熟并丈增田五千六百四頃六十五畝二分九釐五毫七忽八微平田科平米一斗一合四勺三抄一撮八圭二黍沙田科六升八合五勺六抄七撮八圭九粟六顆八粒二黍平田并折實沙田每畝驗派稅糧銀六分一釐四毫零本色米二升五合三勺零麥七勺六抄零地畝銀一分六毫零舊里銀七釐三毫零外不在丁田徵解租錢折鈔銀三分門攤課鈔連閏銀六兩六錢五分四毫漁課連閏銀八兩八錢二分二毫一絲三忽三微六纖匠班銀一十四兩二錢二分九釐匠班貼解銀七兩七錢五釐二毫九絲四忽

常州府漕運考

通志

府總

康熙二十二年

額徵漕糧正兌正耗粳米二十四萬六千六百一十七石七升七合九勺五抄九撮二圭八粟五顆八粒三黍八稷內除蠲荒并改折灰石外實徵正耗米二十三萬九千八百四十九石一斗五升一合一勺九撮九圭三粟五顆五粒二黍八稷內正兌粳米一十七萬一千三百二十

石八斗二升二合二勺二抄一撮三圭八粟二

顆五粒二黍耗米六萬八千五百二十八石三斗二升八合八勺八抄八撮五圭五粟三顆八稷

贈米一萬一千九百九十二石四斗五升七合五勺五抄五撮四圭九粟六顆七粒七黍六稷四糠

贈銀二萬三千九百八十四兩九錢一分五釐一毫一絲九微九纖三沙五塵五埃二渺八漠輕費銀二萬二千九百兩二錢三分六釐一毫

一絲三忽八微二纖一沙四塵二埃五遠九巡內除蠲荒外實徵銀二萬二千八百一十兩五錢三分四釐一絲五忽六微七纖九塵一埃四渺二漠五遠九巡

七分折色席銀六百一十六兩五錢四分二釐六毫九絲五忽八微九纖八沙二塵一埃四渺六漠內除蠲荒外實徵銀六百一十四兩一錢二分七釐六毫三絲九忽四微九沙五塵四埃七渺一漠

七分折色楞木銀三十兩八錢二分七釐一毫三絲四忽七微四纖四沙八塵一埃七漠內除蠲荒外實徵銀三十兩七錢六釐三毫九絲二忽一微二纖二沙三埃五渺四漠

七分折色松板銀二百二十一兩九錢五分九釐三毫七絲一微六纖三沙三塵五埃七渺二漠內除蠲荒外實徵銀二百二十一兩八分九釐九毫六絲二忽九微四纖五沙七塵七埃二

渺二漠

三分本色席木板銀四百二十五兩七錢二分四釐四毫六絲六忽九微四纖六沙五塵六埃七渺七遠九巡內除蠲荒外實徵銀四百二十三兩七錢五分八釐八絲一忽四微九纖九沙三塵五埃四渺七漠七遠九巡

過江六升米折銀五千二百八十四兩六錢六分九釐八毫二絲三忽七微一纖八沙八塵一埃三渺九漠六遠內除蠲荒外實徵銀五千二百六十三兩九錢六分九釐三毫三絲九忽五微三纖二塵三埃五渺六漠六遠

協濟揚州倉本色米五千四百二十二石八升四合三勺七撮一圭三粟九顆三黍四稷二糠內除蠲荒外實徵米五千四百一石八斗八升四合七勺七抄一撮三圭一粟七顆一粒六黍四稷二糠

協濟揚州倉米折銀四千三百八十四兩二錢六分一釐四毫五絲八忽九纖九沙九塵八埃內除蠲荒外實徵銀四千三百六十七兩八錢七分一釐三毫六絲二忽七微二纖五沙六塵二埃七渺二漠

協濟揚州倉麥折銀一千五百九十九兩八錢七分六釐二毫三絲五忽二微內除蠲荒外實徵銀一千五百九十三兩八錢八分九釐五毫八絲二微三纖九沙四塵一埃四渺四漠

協濟淮安倉本色麥三千三百八十五石七斗五升三合九勺四抄二撮七圭二粟六顆四粒

四寨內除蠲荒外實徵麥三千三百七十三石
一斗七升三合八勺七抄七撮六圭六粟二顆
三粒一黍

協濟淮安倉麥折銀一千四百五十四兩九錢
二分八釐一毫六絲六忽七微六纖內除蠲荒
外實徵銀一千四百四十九兩四錢八分三釐
五毫四絲六忽五微九纖五沙六塵六埃七渺
二漠

協濟壽州倉本色麥九百四十二石五斗一合
六勺六撮二圭九粟四顆二粒三黍五稷內除
蠲荒外實徵麥九百三十八石九斗九升九合
四勺六抄六撮八圭九粟七顆三粒六黍五稷
協濟壽州倉麥折銀三千六百二十五兩三錢
二分一釐七毫五絲一忽四微內除蠲荒外實
徵銀三千六百一十一兩七錢五分五釐九毫
六絲九忽七微四纖五沙七埃四渺二漠

協濟鎮江倉本色麥三千六百一十一石九斗七升
四合七勺四撮五圭五粟四顆六粒五黍內除
蠲荒外實徵麥三千五百八十八石五斗九升
三勺三抄二撮四圭七粟七顆二粒二黍

協濟鎮江倉麥折銀一千八百九十三兩六錢
六分七釐二毫八忽九微二纖一沙四塵二埃
五渺內除蠲荒外實徵銀一千八百八十六兩
五錢八分一釐一毫九絲五忽五微八沙五塵
九埃一渺三漠

改折灰石銀六千二百五十九兩七錢五分五
釐七毫八絲四纖二沙二塵八埃五渺二漠五

遼六巡內除蠲荒外實徵銀六千二百三十五
兩二錢三分八釐二毫六忽九微三沙八塵三
埃九渺三漠五遼六巡

協濟鎮江衛民七淺船銀五百一十五兩二錢
內除蠲荒外實徵銀五百一十三兩二錢三分
二釐四毫四絲五忽三微四纖五沙九塵三埃
五渺三漠

額徵白糧正耗春辦等米七萬四千八百一石
八升八合五勺四抄六圭四粟二顆八黍四稷
內除蠲荒外實徵米七萬四千五百七十七石九升
三合七勺六抄五撮四圭四粟七顆七粒八稷
內上白正米三萬五千五十一石二斗五升三
合五勺八抄七撮六圭一粟二顆七粒四黍
耗米一萬七千五百二十五石六斗二升六合
七勺九抄三撮八圭六顆二粒七黍

春辦米一萬一千六百六石三斗六升一合九
勺二抄五撮一圭六粟一顆八黍
糙白正米五千二百九十九石二升二合五勺
五抄四撮七圭二粟七顆八粒二黍

耗米二千一百一十九石六斗九合二抄一撮
八圭九粟一顆一粒一黍八稷
運船水手飯米二千九百五石二斗一升九合
八勺八抄二撮二圭四粟八顆五粒七黍

白糧經費銀六萬二千九百三十三兩一錢四
釐四毫三絲八忽九微八纖八沙九塵七渺九
漠內除蠲荒外實徵銀六萬三千六百九十一
兩六分六釐五毫七絲七忽八微七纖七沙六

塵六埃八渺五漠內募船水脚添置提漕由開
車脚等銀五萬二千四百三十五兩六分六釐
五毫七絲七忽八微七纖七沙六塵六埃八渺
五漠

協部公費工食等銀一萬一千二百五十六兩

常州府風俗考 通志縣志合載

本府 武進縣附郭

寰宇記人性估直黎庶淳遜敏於習文疎于用
武

左思賦建自泰伯宣于延陵高節所興由克遜
以立風俗

風俗記穎異之材挺生此邦
朱熹學記縣人學子知所慕尚

葛卿貢院記人秀而文
舊志地偏俗儉

能振頹風以激衰俗非好賢樂善未易能爾
不事浮華少爲商賈耕稼自給士尚儒術縉紳

代不乏人男子不遠遊女子不交易士夫不衣
文繡不乘輿馬俗多尙吟咏

縣志邑中官民之家凡于歲時伏臘或疾病醫
禱之際必於更深之時用酒菓素蔬懸空設坐

焚香祭天名曰辦素巫人喃喃率多悖謬不經
之語

入廟燒香俗例自不能禁其入廟中有祀玉帝者男婦至此尤加敬禮

吳俗信鬼多淫祠武邑亦然有所謂野五聖者即五通鬼也俗云此鬼能運財帛以富人故愚夫競祀之其屋高廣不過二尺許荒郊曠野無處不有歲盡則有茶筵之祭動費十數金蘇州上方山所祀即此鬼也

城隍神入壇主祭無祀鬼神以每歲清明中元十月朔日此載之會典乃王制也武邑石皮巷有總司徒土地廟邑人吳亮碑記云其神姓李而無名不知所自始俗人呼爲都土地以誤于總而呼之也究不知總之義何居又云即陳烈帝其誤更甚清明中元十月朔日亦昇之隨郡縣城隍之神與祭壇中殊非典禮應罷止之

冠禮今雖不行而近日小民僭越殊甚一冠之費值至數金下而優伶與儻之屬亦儼然冠之漫無分別雖久經嚴禁而遵行者蓋鮮也

婚禮亦略做古行納吉納徵之禮率多鄙俚可笑如還娘席七事衣調笑鮑叫門雞之類皆不知所自始習俗行之奉爲典則卒莫之改衣冠之族所宜斥之

婚姻之道六禮未備則女子不行詎今日市井無賴貧不能娶者廉知某家有女不通媒妁來女家無備暮夜率衆攫之而去傷化蔑禮莫甚于此鳴之于官或遲延不審及審則或買囑假媒或偽造庚帖所搶之家公然得女者比比而是逮遇精明之吏反覆查究斷還此女而其女

已居然生子矣此當痛懲永禁者也

吳俗男女年已及婚父母疾病時不行婚禮但以肩輿昇女而歸兩姓皆事苟簡草草婚配謂之衝喜

生子若女皆我骨血貧乏之家恐費嫁資生女往往溺之女在盆中號啼宛轉良久方絕慘不忍聞當行嚴禁此亦幼幼之一端也

喪禮多不攷古非踰制即苟簡率用方相芻靈棺槨之屬貶其奢華而以佛事佐之至爲人後者每指爲所生父母降服之語而薄于所生其于虞祥禪服之月日亦多不講矣

主僕之分有定然風俗亦有不同常郡之無錫則于此分最輕朝秦暮楚恬不爲怪若武邑則祖孫父子世有定分非若他邦之雇募可按年歲爲去畱也近多尾大不掉主人稍稍失勢輒思跳梁甚至以僕而告主竟有逃于三尺法者嗚呼不忍言矣

十三坊廂者不過里總耳每邑有公事輒呼集多人連名具呈把持官府蔑視紳衿夫此里總者本宜照田輸充乃若輩盤踞包攬藉以居奇深可痛恨前郡守蒞任之始即行嚴飭後以保畱之故而猖狂如故矣

無錫縣

婚姻之家必陰衡量其貧富而後合嫁之夕女冠曰花籠其上雜絲爲人物製甚陋蒙以紅帕而曰是有神能傷人入門女媒氏亟手探而壞之則吉此服妖也

喪不師古而繁于俗禮故一殯之費或破中人數家之產富者既矜其後而貧者恥其不能往往親死久而不葬子女當嫁娶者及親之新殯倉卒就事謂之拔親此悖亂之大者

疾病先鬼神而後醫藥巫巫婆娑而囁語莫敢不從甚則遠禱于山川初縣有吳皂隸者云其死爲城隍神役于是衆共奔走禱之其惑如此士習之漓也其桀黠者相與舞刀筆破律令表裏胥役共爲構煽衣食官府之庭而有事持其長短蜂聚集擊上下側目其次好談新聞造作謠詠指斥幽隱一唱百和或騰匿名書夜揭坊市且相傳述四境囂然莫可禁止至于衣冠之族祖趾呼盧濡首決防雖優倡與儻不擇有司奉功令間捕一二小民懲之而其淵藪不可得而問也

民仰魚米茭蒲之利所謂衣食旋給亦無百金之家然而農安于耕女習于織加之撫字將淳俗可幾至乃市井之豪羣萃州處以飲博相徵逐遇事則逞其拳勇呼號聚散所在有之

頑童狎客儕類相引或便其親已而假之體貌遂乃高談上坐所至風生蓋自明萬曆中邑大姓以梨園之技擅稱于時其人散之四方各爲教師率乳既多流風彌盛于是少年游冶親傳粉墨結東登場搖頭而歌衆共稱歎名教凌替孰甚于茲

俗多奴僕而不甚制其去畱有不謹歲一易主者又未已則挈妻子而走京師故今貴豪之門

莫不有錫人焉數者皆奸民之尤也

錫之地氣本薄民鮮積聚故素封之家小有事則易貧然昔之富者憂其墜于人而今之富者且將墜人駟僮傭丐小餘于資則傲然凌其鄉里

四鄉風氣天授與事勤于稼穡薄于飲食婦人執女紅嗇而近陋故凶歲寡流亡之患膠山土福萬安類之招義九樸青城類之興道布政神護富安西鄙之民頗驚計而好訟訟不勝則跳之四方而佃田者不輪租寄籍者不輪糧積以成習開原揚名水國習魚有魚蝦之利富者兼事商販故衣食差足新安俗輕佻農隙織席鬻于市亦不廢業開化則雜稟岡巒之氣好鬪狠其所謂巨室者輒自尊以凌貧弱秦伯垂慶延祥梅里向稱醇謹衣服窄小宴集不踰五豆有先民之遺延祥繼置役田九推樂土然俗盛而移百餘年來老成既謝無復厥初宅仁懷仁去邑也遠故其豪多役屬居人而武斷其鄉甚則藏匿逋逃以抗其長吏懷仁北境與江陰接好操刃仇殺而不可卒止今則人居漸稠頗知奉法矣景雲雜數處以成俗為農為圃為陶以至歌舞博簫籠袖而嬉各附所近此大略也今率不甚區別要其故習必猶有不盡革者若乃左道惑眾如無為長生諸教其來始于揚名開原而滋蔓于通邑歸之者守其條誡過于奉朝廷之法至適數千里不自齋糧皆其徙所至共給之雖近少衰斂抑亦郡縣之憂也

元旦日市皆闔戶盛服賀年是日罷炊飯而故食隔歲之餘又禁不得灑掃取畜藏也他邑祝壽者例以其人之生日錫故事獨計一歲之中合若干家則列其目而合于歲初畢賀之上元夜斷木為薪如其日之數架而燃之于門佐以爆竹名曰火爐為魚龍寶蓋之屬鳴鉦鑼鼓眾昇之以行于是少長夜遊無錫崇安寺九為羣聚之地其婦女亦結隊而出名曰走三橋梅始花則載酒而遊惠山自是迄于初夏畫船紅粉香風雜香無輟日焉

二月北塘舊有香燈之會蓋吳人進香武當者必赴期會于無錫至之夕聯索于牆縱橫上下懸燈滿之至不可數于是邑之士女亦連舫出觀櫛比數里影落湖中互相映發自楚被寇亂此事遂已上已戴簪花謂能已睡

三月二十八齋辦香而走東嶽廟者數縣畢至村姬市嫗扶攜交錯其夕遂止廟中謂之坐夜數日之間寺塘涇為之壅塞立夏合七家茶米食之云不病暑

四月八日浴佛作會謂之傳經尼庵翁盛蓬艾之烟熏室中以驅毒物懸符堂戶以除不祥婦女剪綵為人大如豆謂之健人又刻繭虎以細為能雜符艾而簪之是月之初即傾城出觀競渡龍舟六七午集迎潮館下或山風徐引扇影歌聲頃刻聚散又自月朔至晦戶懸一燈所至燦然而紅當民兵臨縣將屠城張義士翼

說吳將莫天祐而降之邑賴以全翼以四月晦卒民懷其德故以是報焉或謂為張睢陽者誤也為睢陽亦有燈乃在七月二十五日皆里巷好事合資為之而不遍有夏至炊麥豆作糜以食六月十九為觀音會崇安寺市最盛珍奇畢陳有數百里來觀者今久廢

七夕乞巧女子以雜花漬水露置庭中旦則取以蘸面謂能好顏色

八月中秋以月餅相餉夜結高臺置香盈斗而藝之名燒斗香亦尼庵為多

九月九日則登高山中噉重陽糕九品羹

十月十三日進香保安寺穢跡大士之前通邑多至冬至賀節亞于歲首

臘月二十四作瑪瑙糰以祀竈二十五作紅飯以祀牀燃蒼木以辟疫俗本工為門神至是盡易新者除夕再燃火爐定昏後掃除中庭而以粉筆畫弓矢于地歲乃告畢事

江陰縣

江陰風俗以世變紀江陰風俗者亦以世殊隸會稽則稱夫差勾踐之好劍此班孟堅之說也隸句吳則稱泰伯延陵之揖讓此左太冲之說也謂民生其間秀而敏循理而愿此葛鵲之說也謂士大夫好學恥奔競百姓畏官府快鬪訟此陸文圭之說也自今觀之陸說為尤近云

黃志稱上士畏義服道員白淳固中士環辭杰作局戶潛修張志稱後生晚出皆知慕放前輩談古文論書法馮志稱自嘉隆以來人品俱矯

然自整以致忠烈挺生垂光載籍今亦大致不爽獨自數年前以督賦故江陰自薦紳至縫掖黜棄者不下數百人而士氣困之頓沮方是時幾于典籍園蔬學宮茂草矣嗣是菁莪化廣當事者復維持煦育之而士風乃稍振今則通籍者嚴怙勢作威之戒士風之善者一也鄉書中一二賢者仍咿唔佔畢之常士風之善者二也

子衿統文武計之不盈三百人而皆雍容退遜遇事若訥敦詩書者固一無躍冶之金諱韜鈴者亦總屬未雕之璞士風之善者三也即閭閻後生小子業儒者皆恂恂奉一先生離經而考業焉衣匪麗都言無勦飾古云既富方穀江陰人士之能穀豈其既富而然哉沃土思淫瘠土思義夫惟家之瘠是以風之善也歟

黃志稱上農資累鉅萬次農自足產業不仰給于入下農無寸土一稼全仰給于人張志謂東南之民多厚殖喜結交游重閭閻西鄉最爲纖嗇有贏資惟侈婚嫁沿江之民氣靡易爲闕城中多清議今皆不然矣

馮志云崇尚鬼神婚嫁愆期仍有之然婚嫁愆期窮無如何而崇尚鬼神疾病則知禱而不知醫江民若性成之非徒習爲之矣

金木土陶各工守故藝近漸巧于雕鏤矣

土人重農逐末者少富商大賈皆行于近地質庫擁資孳息大半徵商爲計然又有聚水陸之貨主于其家評市價爲之貿易是爲居貨之賈黃志稱巨室之婦珍重靚間深居簡出無露面

行者中家紡績不休貧者躬親濯汲馮志則云近爲尼媼所詎相聚僧寺或村落觀音堂誦彌陀奉繡黃以徵福向之羞露面者或肩摩市井俗漸凋倒今參考兩志則黃志所云至今無改而其誦彌陀邀福露面行市井者固村落民家之婦或老媼爾巨室中家都無此習

元旦親戚里黨霜衣冠交賀履新爲醕聚迎春日薦春盤啖春餅老幼競出大倒觀土牛肩摩踵接喧闐竟日初五日家祀五路神初八名數日昏時看參星諺云初八夜裏有參星月半夜裏有紅燈十三夜試燈投林稻焦釜中以花額妍否占終歲休咎曰卜流花俗爲爆字婁上元日作燈市往昔多異製今惟剪生絹及五色紙爲之家食粉丸曰團圓里少聚衆擊龍燈夜遊鉦鼓徹天往往爭道相毆訟間有舞獅奴鬼判者十八日收燈

寒食日百五節人簪麥葉清明掃墓掛白紙錢松楸上

三月初三及二十八日迎神賽會舉國如狂然皆里巷瑣尾之流爲之

四月初八僧尼浴佛作糖豆遍餽俛佛家

端午採菰葉裹糯米煮爲角黍飲酒浮以雄黃

苜蒲婦女簪艾虎靈符云以辟邪富貴家畫舫

觀龍舟邇年河干遂聞如矣夏至食餛飩

六月十九日廣福寺有觀音會黃志謂遠買來

集百貨具陳弊端百起此風已息惟刻泥爲人

物兒童買歸供戲弄而已

七月七日乞巧月下穿針市肆賣巧果爲節中元炙茄餅薦先僧舍多設盂蘭盆會哀金至數百家僧衆頗資以爲潤

八月十五市中屑麥爲餅狀如圓月賣之各月餅人家瓜果賞月

重九登高飲菊釀杞米蒸熟爲糕曰重陽糕市賣者染以五色剪紙爲旗

十月朔掃墓略如清明冬至日賀履長向比元旦近亦多偷惰不行

臘月二十四日相傳竈君朝天祀以粉團餛飩其餽名膠牙餽曰膠竈君牙使勿言人過惡也用赤豆雜米爲飯遍食家人以辟瘟是日掃屋

塵曰除殘巧者每二人戴鬼面攤于市曰儼公儼母除夜仍祀竈名接竈燒蒼木辟瘟丹封井

戒勿汲三日始啓換桃符春帖書灰于地象弓矢沿古避山魃惡鬼意漸而書城郭書米圍書

內復書吉祥善語如大有年天下太平之類守歲達旦爆竹聲連轟不絕

宜興縣

縣境土壤高下不一厥田有三民家播種五穀各隨地利以順天時凡種稻高田宜夏至後圩

田宜夏至前大率清明日則以稻穀浴芽俗謂浸稻種穀雨日則以穀芽入田俗謂撒秧芒種

後則圩田蒔秧高田差後夏至前後大雨時行俗謂梅雨則高下田俱插秧村落更相補助俗

謂作黃梅老幼不得休息田有極高不便屢水者則種拔粟或木棉或最後種蕎麥有極低易

沒者則秋前蒔種桂秋分刈早禾霜降刈晚禾俗謂收場早禾刈後隨時播種二麥俗謂麥黃梅田有不種二麥者春初耕鋤俗謂冬田又謂逸田正月雨水時多於溪河撈泥壅田俗謂簞泥此在水鄉尤稱急務其山鄉樵戶以八月入山砍柴俗謂八月柴穀雨日縣官祭南嶽賽茶神茶戶入山採茶俗謂開園其他棄屋蓋藏等事俱同月令而組織草履則男婦子女不拘老幼乘間操作罔敢怠也

宜民從事田間終歲胼胝非不竭力以謀幹止而豐衣足食之家甚鮮蓋以狡致貧者四以愚致貧者二而日趨汨沒弊極不返良可嘆也一在許訟夫兩造爭衡賄多者直賄少者曲且胥吏証佐非財不聯舟車食用非財不給前訟未已後訟復興而中人之產已費十之七矣此其致貧者一在呼盧業已失足竟甘濡首勝則復希倖獲敗則孤注圖翻陶朱荷頓忽為原憲黔婁此其致貧者二在演戲時值春和土宜勤讀農宜早耕女宜夜織乃有鄉里豪猾糾斂錢貨以快耳目雖極貧之家烹藜藿炊屢屨者亦不恤其困而逼勒其資及紅牙檀板紛奏于場則士廢讀農廢耕女廢織姦盜竊發弊難殫述此其致貧者三一在扮會古者春社冬蜡報賽有期今則偏僻鄉隅皆設立神廟每歲托言神欲出遊羅列祭儀粧飾故事合計其費多至數千金少亦百金數十金雖黠者借以肥己因而耗財廢業者不啻千萬戶矣此其致貧者四

又一在祀神凡偶有疾病即祈禳備至濟則曰神之靈不濟則曰己之罪雖傾家蕩產沒齒無怨此其致貧者一在伎佛鄉閭男婦往往倒篋傾囊以崇奉象教供膳縹緲流此其致貧者二凡此數者為害甚而卒莫悔悟何能生聚而漸富乎司風教者倘能嚴其禁而力挽之將見三年九年之蓄復見于今而民俗不還淳者未之有也

正月元日長幼悉衣冠以次拜賀進椒酒飲桃湯及柏葉酒城居之家燔柴門外村落間燔柴門內謂焙爐士民交拜謂賀節堂中門外俱以石灰畫米圍及弓箭諸寶物市肆不張凡三日旬日內各家燕集親朋謂年酒十五日上元先二日架木為棚懸燈賞玩謂試燈廟寺庵觀街巷中燈光照耀謂之燈市婦女挈伴夜遊以過三橋為例謂走三橋兒童戴鬼面屈脚振肩而跳謂跳鬼敲金鼓謂鬧元宵用繩一條兩人引其兩端向地頻掉一人從中按掉而躍謂跳百索至十八日燈市罷人始歸本業二月八日作祠山會俗傳是日為祠山張王誕王漢張渤也治水有功因廟祀之三月三日上已修禊清明日展墓四月八日為浴佛節各寺僧餉烏飯先期取青精草汁漬米使黑屆期炊作飯名曰烏飯捱戶分送俗傳為目連僧餉母飯五月五日插艾飲菖蒲酒烹鷄角黍食菹婦人製絨符蘭虎二十日舉城隍會俗傳是日為城

隍誕

六月伏日士人曬書以辟朽蠹七月七日其夜灑掃塔庭施几筵設酒醢時果散粉于河鼓織女謂乞巧又以絲縷向暗中穿針孔穿過者謂得巧十五日中元祭先祖或修齋薦亡曰盂蘭會

八月十五日作月餅餽遺其夜置酒歡聚俗謂賞中秋

九月九日登高飲茱萸酒以麪為糕俗謂重陽糕

十月朔展墓如清明儀十一月冬至交拜如元旦儀

十二月進清醮以告蜡竭恭敬于神明二十四日作儺俗名逐疫或師巫或丐者為之二十九日掃舍宇除田祭祖先易桃符門粘神荼鬱壘像封井戒汲圍爐圍坐飲至夜分謂守歲

靖江縣

靖諫吳禮節俗尚與江南諸郡邑大略相似然江南稍浮薄而靖地下濕厥土平衍生其間者多馴擾柔順率易坦略外不營耳目之觀內不矜機變之術不能習伎巧餽口四方不能為商賈獵取三倍令適百里非裹三日糧則廢然返矣大抵崇質惡重廉恥衣布衣食麥飯事勞筋苦骨自食其力母低眉垂首視息于人士著之民有傭力無丐流有鈍漢無清客即郡細極貧之家非生死萬不得已不輕以身為人奴也郭中地畝四五百金非世族巨室不得占而居民

多于四郊布散而處列如基置環渠爲衛竹樹蔭之前後畦畝耕穫以時自春徂冬從寅至戌有勤勤之勞無斯須之逸其中負遠志稟異姿緩服裝冠以修呬唔之業者卽謂之士吳中士輕俊喜事以凌厲高抗爲豪舉靖士獨恂恂循謹三尺法不敢踰一命吏不敢犯蓋其處卑而無與爲徒地僻而易與爲制亦其積習然也市肆列賈半出他邦公府吏胥率多奸黠每見市井無賴縱挂隸籍知衙署方向輒磨牙而思大嚼鄉落細民詭編團保曉地方姓氏卽吹毫而恣貪求近更有白布豪民交通衙從謀充鄉耆公行武斷者邑民類攻苦力作麥飯藿蔬晝夜惕息以保門戶之不暇而市肆則悉食精粳被綺縠矣衙署色目則日矜肥潤誇醉飽矣間有神奸巨猾造訪傾人壬人誕師譟訟挑釁爲害滋甚惟夫飲博冥豫惡少年所在有之而佞佛成風愚夫婦比屋而是人情日趨華靡物力日見凋敝也

靖俗喜織番耐寒暑服勞苦無江左游閒之習畎畹陂池經緯錯綜有古井田遺意農家樹籬插棘溝池竹木前後環匝歲二三月間春江半綠馬首桃花與茅屋相映村塢如紅霞遊人往來衣袂皆丹宛然武陵圖中也最重右姓高卑截然奴僕世世爲之廝養沙土易耕地無遺力田塍亞水有耨無耘蓄洩江湖以供灌輸可不憂旱租庸賦調不足當江南十五其地足當樂土矣

冠禮廢久不行其冠者不過擇吉加冠更新其衣以爲故事三加醴祝不復知爲何說所從來者舊矣

婚有六禮奠雁親迎皆廢居喪而娶三日後廟見施衿結帨不曰夙夜無違宮事而曰往持門戶至若論財倚勢尤失之大者

喪事漸從簡殺棺槨衣衾附於身者誠信缺然而迎神設醮化楮懺悔紙人竹馬綵幢花架觀美之費相競以爲缺一不可惑葬師禍福之說親死至數十年不葬日時日不利也

祭事從數歲時伏臘無不祭其祖先他邑祭多統于宗子而靖則支子分祭但取簡便拜跪奠獻鮮中儀節

元旦親戚黨里蕭衣冠交拜履新並爲醺聚迎春日薦春盤啖春餅老穉競出東郭觀土牛喧闐竟日

元夕十三夜試燈上元日作燈市笙歌徹旦家作粉丸食之曰團圓

自元旦至二三月居人爭赴孤山進香

寒食日百五節人簪麥葉清明掃墓插柳塚上標白紙錢哭新鬼小兒放風箏

四月初八日僧尼浴佛

端午採蘆蓍裹秫米爲角黍屑菖蒲雄黃以飲酒正午採百草辟毒婦女簪艾虎佩符辟邪畫舫觀龍舟

七月七日乞巧月下穿針

中元煤茄餅薦先靈設齋曰盂蘭盆會

八月十五夜設瓜果賞月

重九登高飲菊酒插茱萸和棗脯爲糕曰重陽糕冬至日賀履長略如元旦

臘月八日雜果蔬辛物曰臘八粥

二十四日相傳爲竈君朝天用糖餅以祀糟糲秣馬是日掃塵巧者飾鬼面攤于市暮熾柏枝大門外曰扒盆爆竹雜赤豆炊米爲飯食家人曰辟瘟除夜接窺封井過三日不汲晝石灰于地象弓矢象倉廩換桃符春聯老幼圍爐歡飲守歲達旦爆竹聲不絕

欽定古今圖書集成方輿彙編職方典

第七百十六卷目錄

常州府部彙考十

常州府祠廟考一

職方典第七百十六卷

常州府部彙考十

常州府祠廟考一

本府 武進縣附郭

通志縣志合載

社稷壇 在青山門外二里按舊志在州南一

里風師壇在城東南南師壇在城西南宋徙州

治西南隅與儒學相望社稷爲壇各一倣唐制

以石爲主其形如鐘而剡上而下植於土大中

祥符二年詔定諸州社稷模其狀分給四年頒

壇制於天下

風雲雷雨山川壇 在石幢門外明洪武三年

知府高復建初爲二壇八年并爲一壇南向廣

袤與社稷壇同歲春秋二仲月上巳日有司先

期齋戒祭則遷城隍神至合食於壇更神之號

曰風雲雷雨之神居中本府境內山川之神居

右本府城隍之神居左祭用羊二豕二祝一帛

一萬曆三十年知縣晏文輝重修

厲壇 在青山門外三里明洪武三年創置歲

以春秋三月清明日七月十五日冬十月一日
晴時祭

城隍廟 在金斗門內街西宋太平興國中建

淳熙十三年賜額嘉應元延祐三年總管府知

事趙琦修國子博士柳貫記至正十五年廟燬

重建常州路儒學教授陳顯曾記明洪武初詔

去封號塑像爲木主題曰常州府城隍之神

皇清康熙六年寢樓燬八年卽其地重建後堂香火

益盛

縣城隍廟 在大殿左掖順治十七年間建邑

人陳玉璽有碑記

五賢祠 在郡治後西北隅祀唐獨孤及宋柳

開李餘慶陳襄楊萬里皆賢牧也今廢

梓潼帝君祠 在府學戟門東偏

劉將軍祠 在郡治前清和坊內明洪武初建

祀宋都統制劉師勇

先賢祠 明洪武間張度移置雜造局於此爲

五縣歲造綬疋箭枝之所萬曆初施觀民改創

龍城書院旋奉旨拆毀齋其地於民三十一年

知府歐陽東鳳順地建祠祀周延陵季子而下

漢晉唐宋諸賢六十九人祠前爲堂三楹朱侍

御吾弼題曰傳是堂堂四面各有軒十二楹左

右翼各爲齋舍以居諸生之講業者堂南爲千

古一脈坊折而東爲門一再折南向爲坊一中

爲經正堂堂次後堂凡二十餘楹又次爲

堂三間祀前有司之知學者士紳各捐貲助建

講學論道其中期追諸先哲稱一時盛事云會

冢宰同亨爲傳是堂記崇禎年間增祀錢一本
顧憲成高攀龍孫慎行四人

皇清順治十年太守朱之晉增入秦伯以爲先賢之

第一人十一年增祀張瑋一人康熙七年又增

楊廷鑑一人

營田廟 在迎春橋西周文襄忱巡撫江南時

建以祀五穀之神傍太平濟農二倉

毛推官祠 祀元常州推官毛祥

文昌閣 在東門內其地當城之巽隅昔人於

此建閣爲文筆峰用補水口之缺自是文風丕

振後爲民居所侵築牆蔽之莫有知者

皇清康熙十四年奉

旨纂修邑志始按圖徵訪而神像歸然獨存邑紳士

捐資公葺

先賢梁子祠 宋紹興間建祀千乘侯梁鮪德

佑乙亥燬於兵明萬曆壬寅太守歐陽東鳳建

并祀褚雲侯梁汝嘉祠在登省巷按先賢名鱣

字叔魚齊人嘗以無子欲出妻決筮於商瞿上

瞿止之信乎朋友善全齊俗所存厚矣今其

祠子孫守之

湯襄武王祠 在關帝廟東偏明崇禎十六年

襄武裔孫國光建有司春秋致祭

關帝廟 在縣學東後河之北舊有高埠高二

丈廣袤八丈有奇相傳湯信國公將臺俗呼中

軍帳然內多朽骨敗骸或疑元初舉城死義者

棄葬之所明嘉靖內辰有司請於朝卽其地立

廟每歲五月十三日致祭郡人唐順之孫慎行

有碑記初名關王廟崇禎元年奉勅加封始改稱關帝廟

三義閣 在關帝廟殿後合祀劉關張

皇清順治十七年郡人楊廷鑑呂宮倡建莊罔生有碑記

許真君祠 在關帝廟右偏祀真君許遜延陵有許青陽鄉相傳爲真君所居之地後立祠

楊龜山先生祠 在市街東與關帝廟相近宋在懷德門內十餘步即今定安東鄉夾城圖內

有周孚先恭先兄弟從游問答數條皆有遺墨游定夫醉寄二周帖云毘陵士人高誼至此可

振頹風激衰俗非好賢樂善未易能爾俱刻石真壁間胡蒼梧理挽之有日一區歸老談元宅

三鍾空餘講道堂後燬於兵地歸他族東坡先生祠 在縣順塘橋北先生終於順塘

橋孫氏之館越六十有九年爲乾道壬辰郡守晁子健立祠塑像訪士大夫家書本或朝服野

服凡十模置壁間復列少公轍輿黃魯直庭堅張文潛未晁無咎補之秦少游觀陳無己師道

六君子於兩序釋奠皆分祀又鏡與無咎往來帖至正末廢爲民居

晏公廟 在白雲渡北邑人楊廷鑑碑記略曰公姓晏名成仔江西臨江府清江鎮人生平疾

惡如探湯人少有不善必曰晏公得無知乎其爲人敬憚如此元初以人材應選入官爲文錦

局堂長因病歸登舟奄然而逝未抵家有人先見其鳴騶導於野衣冠如故月餘訃至咸驚愕

啓棺視之一無所有其見之日即其死之日也父老知其爲神因立廟祀之尤顯於江河湖海

凡遇風波洶湧商賈祈禱即得安穩明洪武初詔封顯應平浪侯白雲渡向苦沉溺里人建祠

祀之而波濤頓息今東隅僧人建大悲殿及兩廊其基初止三分三釐零免科

季子祠 在雙桂坊內即元蒙古字學舊址明洪武七年知府孫用建八年改題木主曰延陵

季子之神春秋祭焉正統八年知府莫惠摹刻十字碑於壁後廊房基址爲豪強所侵

皇清康熙七年賢裔吳發祥捐資收贖太守駱鍾麟奉建延陵書院前後左右爲齋舍中三楹爲自

問堂歲時紳衿會講徐君祠 以祀季子掛劍于墓之徐君忠義祠 在季子廟東明成化九年知府龍晉

始以郡士朱昱建議祀宋守土死節諸臣姚嘗等乃于忠祐廟後圍立祠祀之并祀巡檢方允

武以元武進縣尹劉落附郡人陸簡記弘治十年知府曾望宏移置府學前惠民河南即觀音

寺廢址正德六年巡按御史謝琛奏登祀典有司春秋致祭乃移建正覺寺址即今祠祀文天

祥姚嘗陳照王安節劉師勇胡應炎尹玉麻士龍包主阮應得方允武徐道明莫謙之萬安劉

洛十五人萬曆二十一年兵備江鐸以守祠胡承恩請重葺祠內有浩然亭御史葉中建邑人

毛憲記忠節祠 在正覺寺之西明兵部尚書陳節愍

治死事交南嘉靖間洽孫端甫奏請立祠本郡兄濟春坊贊善總修永樂大典並建大儒祠於忠節祠之左隅有司春秋二祭基糧二畝三分

二釐五毫勅賜免科忠祐廟 俗名西廟祀隋司徒陳公杲仁公本

晉陵人大業間仕至司徒娶於沈沈法興與有異謀懼公未發潛中以毒唐武德三年也夫人

軫氏捨宅爲崇勝寺又捨東第爲崇仙觀有疏刻石廟下後沈法興中神矢斃郡人謂公之神

因以公忠孝文武信義謀辦八絕請於朝即公兵仗庫立祠祀之垂拱元年始創大殿南唐保

大十三年吳越兵至崇克宏進禦之夢公有陰兵助汝之語及戰風雨晦暝有黑牛突行陣間

克宏倖誠甚衆以功封烈帝夫人軫氏武烈后張氏贊幽夫人沈氏爲沈明后宋宣和年間賊

寇被猖郡守魏憲率邦人禱之卒不犯四年賜額忠祐建炎二年郡守周杞大新營繕嘉泰間

郡守趙善防請脩公二子長坦贊惠侯次願協應侯淳祐四年又封公父李明爲啓靈侯母段

氏懿德夫人伊氏昭德夫人長子加濟美次子加助順柴克宏封翼靈將軍咸淳六年改封福

順武烈顯靈昭德王元延祐五年封福順武烈顯靈昭德仁惠祐真君亦復修建明洪武初

詔去封號題木主曰隋司徒陳公之神有司以五月十五日用豕一致祭正統十四年勅賜道

經一藏安奉天順六年廟燬惟眞武殿藏經獨存成化三年同知謝廷桂重建正殿門廡亭宇

總七十餘楹成化十六年知府孫仁重修後真武殿前有池名曰龍池卽宋志鳳凰池內一白龍徑三尺宣德中進上隆慶間大爲葺治蓋靈濟堂五雲樓山門煥然一新邑人鄉貢進士董言詩蓋文昌閣於異隅萬曆三十三年邑人莊廷臣等復蓋武安閣於右崇禎十年四月正殿燬是年重建

皇清順治初邑人因其隙地建都城隍廟附祀焉

柴將軍祠 神諱克宏仕南唐爲右武衛將軍

吳越襲唐常州破其外郭公趨救夢陳杲仁遣陰兵相助大破其兵因祀

劉龍圖祠 劉諱晏初仕遼爲都管員外郎領兵歸宋繼赤心報國四字於旗建炎三年郡守周杞以江寇侵掠請援晏偕七子統精銳出奇破之進龍圖郡人德其賜爲立祀一在馬跡山水平王廟蓋晏嘗駐兵處

周殿撰祠 卽杞也以上三祠俱在忠祐廟西廡今柴將軍有像殿側其祠俱廢

祠山行廟 舊名廣惠在陳司徒廟西宋淳祐初郡守王圭建神自唐初封水部宋累封正祐昭顯威德武烈王寶祐五年改封正佑武烈真君後加昭德咸淳元年又加昌福按顏魯公所書舊碑真君張姓黃帝之後夏禹時有名棄者事禹分治水土均江海通淮泗行山澤間遇神女曰上帝以君有功遣吾爲配不在其身必在其子孫其後真君生於鼎之龍陽洲隱於廣德之橫山靈功懋德烜著於時旣沒州人祠之凡

東南之民雨暘疫癘有禱輒應自唐以來詔受封爵由是行祠興焉元至元初年祠燬於兵郡人卽舊址建真君殿時有元覺慧主其祠元統元年吳人丁振來爲郡吏從祭祀下與僚友仇懋德張用禮捐俸重修旣成以疑妙冲元宏道法師施用存住持用存以私田五十畝捨入祠祀明洪武中重修天順四年知府王愷重建廟凡五一在郡南游塘村一在郡東十五里許成聖村舊名昌福廟有宋開禧丙寅石刻香銘存焉一在奔牛鎮一在欽風鄉段莊俗亦名游塘廟

江東順濟靈應行祠 在祠山廟內西偏明洪武二十一年創建神姓石諱固正廟在贛州府有宋學士景濂所撰碑明天順四年孟夏疾風甚雨水深幾尺知府王愷禱卽霽遂新其廟神秦時人生而正直沒有靈異漢初灌嬰來禦尉佗神降於峰頂告以捷期始立廟於崇福里稱爲石固王唐大中元年遷於江東之雷岡始有塑像宋建炎三年陰護隆祐太后退金兵紹興十九年又護都制李玘殲寇贛尉傳變作籤詞占者如響吳楊溥署爲昭靈王宋五封至崇惠顯慶昭烈忠佑王賜額嘉濟元三易封爲護國普仁崇惠靈應聖烈忠佑王更額曰聖濟有司春秋祭祀

瑯琊王廟 舊在奔牛鎮東相傳晉元帝渡江後有此廟元徙天禧橋北明弘治丙辰知府曾望宏以其湫隘移於祠山廟合祀曰三神祠又

有廟在仁孝東鄉梅村

劉仁賢祠 在南真武廟西豫王兵下江南劉光斗以大理丞安撫常郡民賴以安公請於巡撫周建祠

南真武廟 舊志謂有龜蛇之異南雍誌載常州路毘陵災太重宋至和二年建真武廟在教場後天禧橋東政和間兵燬元至順間重建明末樂間修正統九年重修嘉靖甲申大加修葺宜興都御史杭淮記廟內殿後寢室傾圯隆慶初年貢士劉應時捐資建樓崇祀聖像子孫讀書其中科第相繼郡人洵稱爲神佑云內有古井相傳元龜浮井卽此廟外門左亦有井幾涇廢萬曆二十一年邑人張卿重甃以石卿嘗鑿義井五一在縣治土地祠前一在仁育坊內一在忠義祠旁一在毘陵驛前一在舊遞運所俱焚燹泓深汲者稱便

楊龜山先生祠 在朝京門內先生故祠在郡城東歲久湮廢明正統十年知府葉恭移建今地合蘇文忠祀之名二賢祠訓導壽大年記弘治十六年知府連盛增祀鄒文公周伯章兄弟嘉靖間倭警改道南書院爲兵備道署遂移書院所祀唐彥恩鄒德久尤延之李元德符良貴謝子蘭諸賢併祀其中萬曆二年知府施觀民復立東坡祠於左此則仍稱龜山先生祠而自爲之記龜山有七世孫航由鄉薦通判常州占籍焉子孫衣巾奉祠

皇清康熙丁未正堂祀其十九世孫辛卯科枝蕃仕

福建歸拮復建廟貌爲之一新

蘇東坡先生祠 初即二賢祠明嘉靖初知府王教謂龜山先生舊已有祠於通吳門內祭宜專敬乃移文靖像於舊祠即市街西也而獨爲東坡書院屬無錫邵寶爲祭文後以道南書院故合祀復稱二賢祠萬曆三十年兵備湖廣按察使梁祖齡蜀人也又先嘗爲武進令因捐贖緩建之

崇賢祠 在史家巷東祠胡忠安溪明嘉靖年間其子請立祠奉旨賜額即其賜宅建祠春秋致祭

鄒忠公祠 在朝京門明萬曆三十二年蘇松兵備道鄒堪檄知縣晏文輝建

唐荆川祠 在運河南天禧橋西明嘉靖三十九年總督胡忠憲檄有司立祠關王廟西四十五年移建於此有司春秋致祭王錫爵有碑記五顯王廟 俗名靈觀廟在元豐橋西內有古木二株唐天祐三年刺史張崇以郡多火災建其位背離面坎五行以水勝火蓋所以厭而禳之其患頓息歷代事之尤謹明末樂十二年修宣德間知縣朱恕重建正殿景泰中殿燬惟華光樓獨存成化弘治間相繼修飭郡士朱昱記云初名五通後更五顯宋大觀二年賜額靈順宣和五年封以侯爵淳熙元年進公嘉定二年並封王或謂華光藏菩薩爲佛中上善居五神之一此五行之中氣也又有廟在奔牛鎮相傳神姓蕭正廟在微之婺源縣

延陵季子廟 按山謙之丹陽志南廟在晉陵東郭外北廟在武進博落城西廟在潤州曲阿今丹陽縣延陵鎮廟有百井多湮廢祠有三一在郡學講堂東偏淳祐間郡守張孝責建嘉熙初教授張震發請於朝擬加王爵未克行祠亦廢一在通吳門鐵冶巷一在天慶觀東今太平橋者是晉陵令趙彥構建元大曆己巳總管移刺迪重建至正二年重修天曆三年常州路總管府知事翟如忠重修壬辰燬於兵惟存二碑明洪武始定祀典更建廟於雙桂坊而此稱外祠云

東嶽行廟 在季子廟西前俯運河宋有天齊仁聖帝殿聖母殿帝后德生殿五嶽會聖樓兩廡皆有像設樓東有嶽司堂西有廣惠行殿郡官辭謁祈禱雨陽咸詣焉殿前有銀杏二株黛色參天數百年物也明嘉靖十六年修二十五年重葺通政張寰書額萬曆間道士陳體仁建玉皇閣於後

皇清康熙三年邑人陸演繇建斗閣於殿西上有斗姥像閣前復建堂三間額曰輔仁堂免科基十六畝二分六釐五毫五絲

忠佑行廟 在東嶽廟後即陳司徒東第唐太和七年縣令高崇以禱雨獲驗重建今廢

降子廟 在降子橋南祀東嶽之神以唐郡守獨孤及禱子有驗故名明洪武初建正統間重建

胡文恭公祠 在端明寺宋淳祐八年郡守李

迪肇建元末與寺俱燬明永樂元年移建寺於德安門外仍立祠以祀焉

卞忠貞公祠 忠貞公後有名長卿者宋紹興間官兵部尚書扈蹕南渡卒賜葬勝西里子孫世家其地因建祠

毛古菴祠 公歿而人以爲神其十里之內老人婦女歲朝必拜曰公顯而十里中三十年間無一訟於官府者止向公質成敢忘其德乎

邵康節先生祠 在漳滏里順治十八年康節裔孫邵文燦建

吳許二長官廟 在縣東南七十里相傳無錫晉陵二令爲陽湖泛溢親視堤堰赴水救民水遂止邦人感之爲立祠邑東南境徧祀之爲土神今孟春橋旁有墩曰廟墩一云墩下井水泛溢不止二令投於中屍從勝力橋旁流出民因立祠於上今不存矣

周文襄祠 在祥符寺文襄撫江南最久嘗登茲山寺僧智淵請繪像於祠祀之

水平王廟 在分水嶺王爲后稷庶子佐禹平水至會稽誨人後導後祠之胡文恭宿請登祀典建炎間郡守周杞以劉龍圖駐兵遂加修建并祀龍圖明嘉靖間重修唐鶴徵記

劉龍圖祠 夫椒錢孝記云劉晏仕遼爲郎領兵歸順於宋自誓赤心報國建炎間寇犯常州太守求救晏率七子出奇破之後追潰黨至宣城遇害詔進龍圖閣待制常民因其駐兵水平廟中敗賊即廟祀之

靈官廟 在檀溪灣聖蹟嶺

張南軒先生祠 在殷薛順治十四年督學張

能麟檄建有司春秋致祭

麻尹二將軍廟 麻將軍士龍宋末以巡檢領

文丞相命救常州與元兵力戰死此今里人皆

祀之爲止神廟隘甚在虞橋東一里尹將軍名

王合祀焉

化被王廟 在鄉東小井旁傳爲顧凱之廟

忠佑行廟 在橫林鎮街西

眞武廟 在橫林橋南境

東嶽廟 在鄧莊村

三孤祠 舊祀蔡芮董三孤俗訛爲三姑塑像

明萬曆三十三年知縣晏文輝始易木主爲三

孤

三王祠 在縣東北開化寺側祀東嶽忠佑廣

惠之神

忠佑行廟 在子塘明初建嘉靖丙辰倭燬重

修

順濟龍王廟 在魏村鎮北瞰大江

三官廟 在清水潭祀三元天地水府之神

忠佑行廟 在前蕭里唐末巢賊犯境望雲烟

中有紅衣巨人賊懼而遁道士鄧子成爲立廟

東嶽行宮 在青城鎮明嘉靖間修增建文昌

閣玉皇樓

曹將軍祠 在觀音寺旁明嘉靖間里人解元

駐紮創建祠後有井相傳將軍釜甲藏此古木

盤鬱人敬憚之絃以弘治甲子鄉試一場畢已

具卷付收者而若有止之者三絃疑之細閱乃

知有脫落復夢一緋衣者曰吾曹將軍也幸得

預試事故用護駕君君必第矣揭榜絃果領第

一然猶未解將軍爲何人後檢郡志青城寺爲

唐上將曹公之故居乃爲立祠

城隍廟 在孟河城與城同建

關帝廟 在通江城內

東嶽行廟 在孟濱河開東一里瀕江明末樂

間建宣德中以漕運初通增建後殿兩廡山門

并祀天妃祠山晏公之神凡涉江漕者禱之輒

應

黃山廟 在黃山

祠山廟 廟有杏銀二株圍且丈餘蓋非近創

也

王忠愍祠 在奔牛鎮順治十年奉

旨褒恤明末殉難忠臣原任御史王章賜地十區每

區計地七畝以奉春秋祭祀其地原屬懷南鄉

康熙十一年提入昇西照學田事例一體完糧

海烈婦祠 在運河對龍舌尖龍興禪院康熙

七年建龔百藥有文表其墓

祠山行廟 在游塘橋東俗名游塘廟創於宋

燬於元明永樂間張以昌葺之復燬正德二年

鎮江衛指揮僉事孫晉延僧佛圓重修宜興吏

科給事中邵天和記

祠山祠 俗名西游塘廟近段莊村

舜廟 在高山相傳虞舜東巡過此後人即其

地立廟祀之

二義祠 元末顧士俊事親孝戒子弟謹輕財

好施人稱爲孝義明萬曆戊子顧湯卿禦盜有

功奮不顧身而死郡縣以義烈爲建祠其子并

請合祠孝義公因名二義祠

無錫縣

社稷壇 在西門外開原鄉明洪武八年定制

北向東西二丈五尺南北如之高三尺四出陞

各三級壇下前十二丈東南西南各五丈緣以周

垣門四由北門入石主高二尺五寸方一尺刻

其上土壇二尺五寸培其下於土中木主二高

二尺二寸方四寸五分殊漆青字一題縣社之

神居右一題縣稷之神居左旁爲神廚齋舍之

屬二十餘楹歲以春秋二仲月上戊日祭用羊

二豕二祝一帛二

風雲雷雨山川壇 在南門外景雲鄉與錫山

驛相望南向廣袤與社稷壇同木主三一風雲

雷雨之神居中一本縣境內山川之神居右一

本縣城隍之神居左外有緣垣佳木周陰神廚

齋舍並同社稷春秋仲月上旬卜日以祭用羊

二豕二祝一帛六

邑厲壇 祭無祀鬼神在北門外天授鄉明洪

武三年創置以清明日七月望十月朔時祭

先三日有司移牒城隍之神祭則奉其主於壇

之正中南向用羊一豕一以主其祭設無祀鬼

神之位於壇下不用幣

鄉社壇 每里立社祀五土五穀以春秋二仲

月用羊一豕一及酒菓命耆老致祭今廢

鄉厲壇 每里祭無祀鬼神春秋仲月耆老致

祭用羊一豕一今廢

城隍廟 在縣治東南先是在縣治之西元至

大中州同知宋澤建明洪武二年知縣熊懋從

今地正統中毀知縣項任重修後知縣榮華府

同知范澤知縣甄津劉五緯相繼葺治

皇清吳興祚又重修之故事縣官蒞任先夕齋宿廟

中朔望展謁歲以春秋二仲月上戊日合祀於

社壇

府城隍行廟 在北塘放生池之南明崇禎季

年土人共建之

顯應廟 在縣西安陽山舊在山北其山巔有

龍湫大旱禱之輒應宋紹興三年賜今額明時

載在祀典有司歲以春秋二仲月致祭宣德中

知縣唐泰安徙建今地成化中賴瑛重修

東嶽行廟 在錫山之北麓其先在郭內中市

橋之南相傳唐莊宗同光初山中有周太乙者

見青赤氣二道起於其庭貫天乃構堂今地而

遷嶽像祀焉火宋乾道中重建宣和七年又火

其明年重建元至正中毀於紅巾明洪武四年

重建十六年火是年重建十九年火明年重建

宣德十年火其明年正統改元重建增置五嶽

樓其後邑人相繼修之非邑所當祭也故不載

祀典然俗遂多妄祭者又有碧霞元君行宮在

聽松菴北邑士馮泰為磁州涉縣學官祈嗣而

驗歸作廟以祀之相傳為東嶽神女朱真宗朝

封天仙玉女碧霞元君俗稱娘娘堂

孚澤廟 在縣西南軍帳山宋淳熙中縣令王

文林建旁有龍湫禱雨常驗開禧二年賜今額

顯濟廟 在縣東北芙蓉山之巔前有龍湫多

著靈應宋開禧元年賜今額

白龍祠 在縣東北斗山之巔元至元中建為

颶風所毀天曆元年重建

關帝廟 所至皆有以在南禪寺者為正歲五

月十三日俗傳神誕邑有司及士大夫以下無

不敬謁者

忠佑廟 在中市橋南祀隋司徒陳果仁果仁

晉陵人性至孝仕陳為監察御史隋大業中以

功授銀青光祿大夫義寧中與沈法興等剪東

陽賊拜大司徒果仁故娶法興女法興入毘陵

有異謀恐果仁不附己而謀洩毒殺之及法興

敗中神矢死人謂實果仁之神疏公忠孝文武

信義謀辯於朝而廟祀之南唐保大二年吳越

來侵柴克宏拒之夢果仁有相助之語及戰風

雨晦冥有黑牛突陳遂大敗之以功封武烈帝

宋宣和建炎之間屢見靈異賜廟名忠佑又加

封孚佑真君初專祀郡中及無錫建今祠西向

故老以為遙鎮獨山之水勢云明宣德正德萬

曆間屢修

皇清康熙庚申秦德漢重修

顯忠廟 祀唐御史中丞張巡初本在東嶽廟

右廡創自宋崇寧中因巡語遂像以厲鬼之形

明景泰六年詔有司春秋致祭或言宋有異人

盧至柔者得靈泉於山中而施民瘡疾疫於是

祀巡於泉上俾汲者必告以鎮民譁其後議者

以厲像不經附嶽廟不專成化九年知縣李恭

乃即清微菴廢址別作廟以祀其像正笏垂紳

表其坊曰天付先節又範鐵為賀蘭進明跪於

其下立崇碑於門刻弘治十八年御祭文一道

而榮亭以覆之嘉靖中知縣萬虞愷題其廟曰

顯忠又名忠靖王廟蓋宋加封號也倪瓚有忠

靖廟迎送神辭

皇清吳興祚重修

廣惠行廟 俗稱張王菴在南門外永聖橋東

張神姓也名秉相傳事禹治水有功遇神女

謂曰上帝以君功在吳分故遣相配長子以木

德王其地後生子渤為祠山神祠山廣德之橫

山也唐時累封正祐聖烈真君今廟創於宋重

建於元明正統中道士范元機許真常重建并

創棲真樓

金龍大王廟 在西門外壩後神姓謝氏諱緒

本土人憤宋之亡死於水為黃河神每歲糧船

將發祭於此而後行

水仙廟 在城西太保墩前此為御史呂貞別

業後建闕帝水仙二廟於其上其名水仙無所

考然錫本澤國宜有是神若屈大夫死為水仙

其魂氣在沅湘汨羅間也鼎革之初其里人有

為神言者謬云今神為故令劉五緯於是撤其

廟而新之名以察院冠服悉如明制一時巫祝

奔走若狂不可復禁迨其後復有南水仙廟

南水仙廟 在清寧橋南其地舊為宋麻尹二

將軍祠

靈護廟 在縣東嶽廟之左廡神姓王氏名越祖宋時邑開化鄉之沙頭人也其生平無可考相傳驅飛蝗於嘉定反風濤於寶曆療疾疫於紹興累著神應焉紹定三年勅賜廟名靈護後封福濟廣利侯元至正年間復有息風救漕之功

東海信郎王廟 在縣東南一里唐狄仁傑毀淫祠斥之後易名土神今稱廟廡廟橋是其地又有宗郎王廟在城南倉橋之北今廢又有石城王廟或謂即宗郎王皆廢不可考

五顯靈官廟 在縣治東舊傳神姓蕭氏兄弟五人有功於國宋大觀中賜今額元延祐明洪武宣德間並經重築其本廟在微之婺源常顯靈於大江南北

晏公行廟 在北城外神名戊仔臨江人尸解而成神顯靈於江湖之間元時以陰翊海運功封平浪侯明仍之

洞淵宮 在城北梨花莊之後其神俗稱曰行災或云司痘之神而謂是漢之張壽甚無據巫祝羣趨之

至德祠 即太伯廟舊在縣東南梅里平墟宋哲宗元祐七年詔吳太伯廟以至德爲額明洪武十年別建於城內婁巷以便祀事弘治十三年知縣姜文魁仍即梅里舊址重構規制有加於前有司春秋致祭正德十二年同知范澤修婁巷廟嗣後歲祭鄉城無定萬曆末知縣劉五

緯再葺婁巷廟天啓間吳大朴又修梅里廟

皇清康熙初吳興祚兼二廟修之

伍相祠 在縣西胥山夫差既殺伍員投之江吳人立廟閭江以祀而名其山曰胥山

春申祠 在錫山之麓黃歇徙封於吳吳人祀焉唐狄仁傑毀淫祠及之改名土神廟

徐偃王廟 在縣西石塘山之麓宋尤棟記王贏姓誕諱爲周諸侯治以仁義穆王西遊忘返諸侯交贊朝徐穆王馳歸伐之王不忍其民去之子孫因散處徐揚間故往往有爲王立廟者或云徐子章禹嘗見執於吳徐之宗族子弟散居揚州因立其先王之廟在錫芙蓉山舊亦有廟今廢

項王廟 在縣南開化鄉舊傳項羽避仇吳中嘗居其地故祀之不詳其創始

七賢祠 即崇正書院

尊賢祠 在惠山二泉亭之上初祀陸處士桑

芋翁羽後益以華孝子寶湛長史挺李丞相神

爲四賢祠明天順中以華有專祠因去之名三

賢正德中邵文莊賢撤而新之益以宋無錫令

焦千之國史編修秦觀尚書文簡公尤袤御史

裏行錢顯明高士雲林生倪瓚義士張翼中書

舍人王紱共十人嘉靖末又增封武昌守秦旭

邵文莊寶易名尊賢勒之祀典

皇清續入明翰林學士華察中書舍人龔廷祥其孝

子薛天生劉懷蔭不知何年從三孝祠遷入及知縣吳興祚建雲起樓乃遷祠於泉之右偏當

若冰洞之東又進明提學副使鄒迪光通政使

參議沈應時先後合十有八人祠祀知縣徐永

言修德木亭新諸木主奉祀其中稍北小樓即

與祚長生祠也

道南祠 在東林書院

華孝子祠 在惠山寺之右第二泉之左其地

名華坡蓋即南齊孝子寶所居之故地以祀之

祠後廢宋王彬創復之明景泰間知縣顏肅重

修弘治中寶裔孫輝等又加增葺萬曆改元提

學御史謝廷傑案行有司春秋致祭按寶既以

父死長安不婚不冠後以弟寬之子爲子年七

十餘歷宋及齊而沒建元三年詔旌故今稱齊

孝子祠初并祀薛天生劉懷蔭各三孝祠蓋二

人皆與寶同時被旌者華之子孫極盛而薛劉

之後無聞焉後遂撤二主於尊賢祠而此耑祀

寶今尊賢碑記亦不及其事獨二木主頽然在

列耳

顧右丞祠 在邑之南林祀晉無錫令顧悅之

明嘉靖中其裔孫起綸建

吳許二侯祠 在縣南開化鄉俗傳蕭梁時晉

陵無錫二令以湖流泛濫行視隄防值水大至

溺焉故鄉人祀之今爲土神祠

李忠定公祠 有二一在膠山寺後廢明正德

中里人安國重構一在惠山尚德書院正德中

邵文莊建

皇清康熙五年邑李氏移祀於惠山寺日月池之旁秦淮海先生祠 舊在聚山龍園墓旁後廢今